



O pasado sábado 25 de maio tivo lugar nos campos da Gándara o Torneo Infantil A.F.A.F.E. Participaron 16 equipos repartidos nos seguintes 4 grupos, e dos que se clasificaban os dous primeiros de cada grupo para xogar os cuartos de final. Disputábase no formato de fútbol-8, con 25 minutos de tempo por partido.

Grupo I : R. San Pedro, Portuarios "B", Portuarios "C" e Numancia de Ares.

Grupo II : R. Ferrol "A", Animas, Narón e San Sadurniño

Grupo III : R. San Pedro "B", G. Caranza, Amistade Meirás e Ortigueira.

Grupo IV : R. Ferrol "B", Portuarios, Meirás e Cedeira.

Os xogadores convocados no Numancia foron os seguintes: Fernando, Enol, Adri, Javi, Marcos, Raúl, Anido, Adri, Luís, Alexis, Pablo Ferro, Fran, Alex e Adrián.

## **FASE DE CLASIFICACIÓN**

### **1º partido: PORTUARIOS "C", 1 – NUMANCIA, 1**

GOLES:

0 – 1: Luís (min. 10) – Golazo de Luís de falta directa dende a frontal da área.

1 – 1: Portuarios C (min. 24) – Indecisión entre os defensas aresáns que aproveita o dianteiro do Portuarios C para bater a Fernando por abajo.

COMENTARIO: Partido dominado polos aresáns durante todo o encontro. Xa no saque inicial, Luís cun gran disparo manda o balón ao travesaño, e con suspense, non soubemos si chegou a traspasar a liña de gol. No minuto 10, Luís marca un golazo de falta directa. No min. 15, Adri cun gran disparo manda outra vez, o balón ao longueiro. En fin, tivemos moitas ocasión de gol que non pudemos materializar. O Portuarios C defendíase con certo orde pero non chegaba con perigo a meta defendida por Fernando. Pero nunha xogada de mala sorte, conseguén o empate no último minuto do encontro.

## **2º partido : PORTUARIOS "B", 2 – NUMANCIA, 4**

GOLES:

0 – 1: Luís (min. 4) – Contragolpe de Pablo quen dispara, rexeite do porteiro e moi atento Luís marca a pracer.

0 – 2: Adri (min. 7) – Tiro lonxano de Adri dende fora da área que sorprende ao porteiro do Portuarios B. O balón entra tocando os dous paus.

1 – 2: Portuarios B (min. 14) – Boa xogada combinativa que culmina o dianteiro local.

1 – 3: Diego (min. 16) – Gran boleada de Diego que entra pola escuadra esquerda da portería.

1 – 4: Pablo Ferro (min. 19) – Contragolpe dos aresáns que define Pablo dentro da área pequena.

2 – 4: Portuarios B (min. 23) – Fallo defensivo dos aresáns que aproveitan os locais.

COMENTARIO: Gran partido, sen dúbida o mellor partido ofensivo dos aresáns. Dende o comezo, o Numancia foi moi superior ao seu rival, xogando con moita intensidade e creando moito perigo con rápidos contragolpes. O Portuarios B defendíase ante o bo xogo dos aresáns e marcou dous goles en sendos fallos defensivos.

## **3º partido: R. SAN PEDRO, 1 – NUMANCIA, 1**

GOLES:

0 – 1: Pablo Ferro (min. 5) – Xogada persoal de Pablo que marca cun floxo disparo sobre a cepa do pau.

1 – 1: R. San Pedro (min. 10) – Remate de cabeza nun córner do equipo local.

COMENTARIO: Cómodo partido do Numancia que empezou marcando aos 5 min. do encontro. Os aresáns tiveron o control do partido e so nun despiste defensivo, o R. San Pedro empatou aos 10 min. Os últimos 15 min. os aresáns seguían igual e non pasaron por moitos apuros, terminando o encontro cun empate. Grazas a este punto o Numancia pasaba a cuartos de final coma segundo de grupo con 5 puntos, por detrás do Portuarios B, quen foi primeiro con 6 puntos.

Os cruces para os cuartos de final e resultados son os seguintes:

Portuarios B, 4 – Narón, 1  
Numancia de Ares, 2 – Animas, 0  
Ortigueira, 2 – Cedeira, 0  
Portuarios, 1 – Galicia Caranza, 0

## **Cuartos de final: ANIMAS, 0 – NUMANCIA, 2**

GOLES:

0 – 1: Diego (min. 10) – Centro de Pablo por banda esquerda e remate a gol de Diego dende o punto de penalti.

0 – 2: Alexis (min. 14) – Córner botado por Luís dende banda dereita e gran remate de cabeza de Alexis dentro da área pequena.

COMENTARIO: No cruce de cuartos, o noso rival foi o Animas (primeiro clasificado do Grupo II). Sen dúvida, o mellor partido do torneo dos aresáns, tanto a nivel defensivo como ofensivo. O Numancia foi superior ao seu rival e aproveitou as poucas ocasións de gol que tiveron os dous equipos. O Animas só creaba certo perigo con fortes e lonxanos disparos que na súa maioría repelía a nosa defensa. Con este resultado conseguiamos chegar a semifinal do torneo.

Os cruces para as semifinais e resultados son os seguintes :

Numancia de Ares, 0 – Portuarios B, 2

Ortigueira, 1 – Portuarios, 1 – pasa á final o Ortigueira a penaltis (4-3)

## **Semifinal: PORTUARIOS &quot;B&quot;, 2 – NUMANCIA, 0**

GOLES:

1 – 0: Portuarios B (min. 7) – Fallo defensivo dos aresáns e o dianteiro do Portuarios marca ante a saída de Fernando.

2 – 0: Portuarios B (min. 12) – Falta directa do Portuarios que toca na barreira dos aresáns e o balón entra pegado ao pau.

COMENTARIO: Chegaba á semifinal ante Portuarios B, un equipo ao que xa nos enfrentamos na primeira fase, dentro do Grupo I. Nesta ocasión aos aresáns faltoulles a intensidade defensiva dos outros encontros, intentárono, pero o Portuarios B fixo un bo encontro e foi o xusto vencedor. Parecía que os aresáns chegaron moito mais cansados que o seu rival e non pudo ser. Agora tocaba loitar polo 3º e 4º posto do torneo.

## **3º e 4º posto: PORTUARIOS , 3 – NUMANCIA, 1**

GOLES:

1 – 0: Portuarios (min. 2) – Córner por banda dereita, no que Fernando non sae da portería e remata de cabeza un xogador do Portu dentro da área pequena.

1 – 1: Pablo Ferro (min. 7) – Boa xogada combinativa dos aresáns no que Pablo cun gran disparo bate ao porteiro rival.

2 – 1: Portuarios (min. 13) – Falta directa do Portuarios que toca na barreira e Fernando non é capaz de atallar, o disparo coase entre as súas mans.

3 – 1: Portuarios (min. 15) – Fallo defensivo dos aresáns e gol do dianteiro do Portuarios que marca a pracer sen oposición.

COMENTARIO: O Numancia saíu durmido, e así, no minuto 2 o Portuarios adiantábase no marcador nun claro erro defensivo. A raíz do gol, os aresáns xogaron con moita intensidade e conseguiron empatar o encontro cun gran zurdazo de Pablo. Pero nunha xogada de mala sorte o Portuarios marcou un segundo gol que frustaba a posible reacción do Numancia. Os rapaces intentaron conseguir o empate pero dispuxeron de poucas ocasións de gol. No minuto 15, o equipo rival marcou un terceiro e definitivo gol. Felicitar ao Portuarios que foi o xusto vencedor do encontro.

A pesar da derrota temos que dar a noraboa aos rapaces, polo gran torneo realizado nesta Copa A.F.A.F.E, finalizando nun más que meritório 4º posto.

Felicitar ao Ortigueira, xa que, na final foi moi superior ao Portuarios B, gañando por 3-1.

Noraboa tamén á A.F.A.F.E pola magnifica organización do torneo onde cabe destacar a gran deportivididade que exhibiron todos os equipos participantes.